

Arkiv: <arkivID><jplID> FA-G00
JournalpostID:
Sakshandsamar:
Dato: 24.02.2021

Saksframlegg

Saksnr.	Utval	Møtedato
009/21	Eldreråd	08.03.2021
012/21	Råd for menneske med nedsett funksjonsevne	08.03.2021
011/21	Ungdomsråd	08.03.2021
009/21	Utval for helse og omsorg	09.03.2021
	Alver kommunestyre	

Fondsvedtekter - Fond for kommunalt følgje på ferie og fritidsreise for personar med nedsett funksjonsevne

Rådmannen sitt framlegg til vedtak:

Kommunestyret godkjenner fondsvedtekter – Fond for kommunalt følgje på ferie- og fritidsreise for personar med nedsett funksjonsevne punkt 1 – 9 jamfør vedlegg.

Vedtekter skal vere del av evalueringsrapport for prøveordninga for retningslinje for kommunalt følgje på ferie- og fritidsreise for peronar med nedsett funksjonevne 2021-2022.

Eldreråd 08.03.2021:

Handsaming:

Det vart sett fram følgjande felles framlegg til uttale:

Eldrerådet sluttar seg til rådmannen sitt framlegg til vedtak med følgjande tillegg;

Eldrerådet meiner tilskotssummen på kr 2500,- er for altfor liten og bør aukast.

Dersom den samla tilskotssummen for 2021 ikkje blir brukt opp, må summen overførast til neste år.

Eldrerådet vedtok samrøystes framlegg til uttale sett fram i møtet.

ER- 009/21 Vedtak:

Eldrerådet kjem med følgjande uttale:

Eldrerådet sluttar seg til rådmannen sitt framlegg til vedtak med følgjande tillegg;

Eldrerådet meiner tilskotssummen på kr 2500,- er for altfor liten og bør aukast.

Dersom den samla tilskotssummen for 2021 ikkje blir brukt opp, må summen overførast til neste år.

Råd for menneske med nedsett funksjonsevne 08.03.2021:

Handsaming:

Framlegg frå Reidar Knutsen-SAFO:

Ved etablering av ferieretningslinjer bad RMNF om at Alver kommune dekkar ekstrakostnad til løn, men dette vart ikkje teke inn. Prosjektgruppa sine eksempel viste svært høge ekstrakostnader for dei som treng kommunalt følgje, og 2.500,- per kommunalt tilsett per tur vil dekke ein svært liten del. RMNF er redd nesten ingen vil ha økonomi til å nytta tilbodet, og at det meste av fondet difor vert ståande ubrukt. Difor ber RMNF om at det maksimale tilskotet aukast, og vert sett til inntil 10.000,- per kommunalt tilsett per tur.

Framlegget vart samrøystes vedteke.

RMNF- 012/21 Vedtak:

Ved etablering av ferieretningslinjer bad RMNF om at Alver kommune dekkar ekstrakostnad til løn, men dette vart ikkje teke inn. Prosjektgruppa sine eksempel viste svært høge ekstrakostnader for dei som treng kommunalt følgje, og 2.500,- per kommunalt tilsett per tur vil dekke ein svært liten del. RMNF er redd nesten ingen vil ha økonomi til å nytta tilbodet, og at det meste av fondet difor vert ståande ubrukt. Difor ber RMNF om at det maksimale tilskotet aukast, og vert sett til inntil 10.000,- per kommunalt tilsett per tur.

Ungdomsråd 08.03.2021:

Handsaming:

Orientering i saka under felles orienteringsmøte for RMNF, UR og ER

UR- 011/21 Vedtak:

Tatt til orientering.

Samrøystes vedteke

Utval for helse og omsorg 09.03.2021:

Handsaming:

På vegne av AP, SP og KRF sette utvalsleiar Ståle Hauge-AP fram følgjande framlegg:

Som rådmannen med følgjande endringar:

Nytt Punkt 7.1.

Tilskotstak per tur vert sett til inntil 50% av ekstrakostnadene innbyggjarane får med utgifter til følgepersonar (dette gjeld ekstra lønsutgifter, døgntillegg og diett)

Nytt Punkt.7.2.

Kommunen skal nytte skjønn ved tildelinga av fondsmidlar. Ein skal prioritere brukarar som har størst hjelpebehov og størst vanskar med å komme på tur utan tilskot. Deretter skal personar som ikkje har vore på fritidsreiser nyleg med støtte frå fondet, prioriterast, for å oppnå ei rullering av kven som får tildelingar, dersom fondet ikkje er stort nok til samtlege søkjarar kvart år.

Utvalet vedtok samrøystes fellesframlegg frå AP, SP og KRF.

Utvalet vedtok samrøystes rådmannen sitt framlegg til vedtak, med endringsframlegget sett fram i møtet.

HO- 009/21 Vedtak:

Utval for helse og omsorg kjem med følgjande innstilling i saka:

Kommunestyret godkjenner fondsvedtekter – Fond for kommunalt følgje på ferie- og fritidsreise for personar med nedsett funksjonsevne punkt 1 – 9 jamfør vedlegg.

Vedtekter skal vere del av evalueringsrapport for prøveordninga for retningslinje for kommunalt følgje på ferie- og fritidsreise for personar med nedsett funksjonsevne 2021-2022.

Nytt Punkt 7.1.

Tilskotstak per tur vert sett til inntil 50% av ekstrakostnadene innbyggjarane får med utgifter til følgepersonar (dette gjeld ekstra lønsutgifter, døgntillegg og diett)

Nytt Punkt.7.2.

Kommunen skal nytte skjønn ved tildelinga av fondsmidlar. Ein skal prioritere brukarar som har størst hjelpebehov og størst vanskar med å komme på tur utan tilskot. Deretter skal personar som ikkje har vore på fritidsreiser nyleg med støtte frå fondet, prioriterast, for å oppnå ei rullering av kven som får tildelingar, dersom fondet ikkje er stort nok til samtlege søkjarar kvart år.

Politisk handsaming

Saka skal til uttale i ungdomsråd, eldreråd og råd for menneske med nedsett funksjonsevne

Saka skal til innstilling i utval for helse og omsorg.

Saka skal avgjerast i kommunestyret.

Bakgrunn

Ein viser til kommunestyre 26.11.20 sak 142/20: Retningslinje for kommunalt følgje på ferie- og fritidsreise for personar med nedsett funksjonsevne.

Vidare viser ein til kommunestyre 17.12.20 sak 172/20: Økonomiplan 2021-2024 med verbalpunkt «Overføring til fond for ferie- og fritidsreiser for menneske med nedsett funksjonsevne. Det må i samband med etablering av fond lagast vedtekter som sikrar ein god og rettferdig fordeling til søkarar. Det vert lagt inn kr 200 000 for 2021. Vidare finansiering av fondet blir å komma tilbake til i budsjettarbeidet i 2021».

Framlegg til fondsvedtekter har vore drøfta med referansegruppe den 15.02.20. Referansegruppe har same medlemmar som til sak 142/20. Det har pt ikkje kome skriftlege endringsforslag til framlegg frå referansegruppe.

Saksopplysninger:

Rådmann legg fram fondsvedtekter – Fond for kommunalt følgje på ferie- og fritidsreise for personar med nedsett funksjonsevne jamfør vedlegg. Ein har kort kommentert dei ulike vedtektpunkt under.

Vedtekt punkt 1 – 4 er knytta til vedtatt retningslinje for prøveordninga i perioden 2021-2022. Retningslinja har fått justert inn tekst direkte knytta til framlegg fondsvedtekter (vedlegg).

Vedtekt punkt 5 legg til rette for at kommunestyret tek avgjerd om årleg sum fondsmidlar og eventuelle endringar knytta til ordninga. For 2021 er ramme fond satt til kr. 200.000,-

Vedtekt punkt 6 er knytta til vedtatt retningslinje. Det er ikkje søknadsfrist for ordninga i prøveperioden 2021-2022. Dette gjev ønska fleksibilitet for aktuelle søkjarar og handlingsrom for planlegging av tur. Imidlertid kan dette utfordre praktisering av tildeling. Det er ikkje kjent kva tal søkjarar som vil nytte ordninga, og heller ikkje kva tal kommunalt tilsette som er naudsynt å ha med som følgje. Det vil difor vere naudsynt å få erfaringsgrunnlag i prøveperioden med omsyn til eventuelle korrigeringar.

Vedtekt punkt 7 er knytta til vilkår tildeling av fondsmidlar. Retningslinje for den kommunale ordninga er ny i Alver kommune. Det er ikkje avsett ressursar til administrering av ordninga. Ressursar til administrering skal dekkast innan budsjettamme og noverande kapasitet sakshandsaming. Dette gjev at ein i prøveperioden legg til grunn vilkår som krev låg tidsbruk på individuelle økonomiske vurderingar. Ein har og henta inn erfaringar frå Bergen kommune som har praktisert liknande ordning i fleire år.

I prøveperioden legg ein til grunn eit fast kronebeløp som tilskot uavhengig individuell økonomisk situasjon hjå søkjar. Fastsett kronebeløp er og uavhengig reisemål.

Tilskot er gradert med omsyn til tal reisedøgn kombinert med tal kommunalt tilsette som er naudsynt per tur. Søkjar kan med dette får tildelt tilskot per kommunalt tilsett per tur med kr. 2500,-. Med grunnlag i samla fond 2021 med kr. 200.000,- har ein då midlar til at 80 kommunalt tilsette totalt kan bistå som følgje ved ferie- og fritidsreiser. Om tilskotssum er rett dimensjonert er vanskeleg å forutsjå, og her må ein hente erfaringsgrunnlag i prøveperioden.

Vedtekt punkt 8 omhandler kontroll av tildelte fondsmidlar.

Vedtekt punkt 9 omhandler klagerett. Tilbod om ferie- og fritidsreise vert ikkje heimla i helse- og omsorgstenestelova, og statsforvaltaren er difor ikkje klageinstans. Tilbodet er ei kommunal ordning, og kunne difor vore vurdert med kommunalt klageorgan som klageinstans. Imidlertid har ein vurdert at retningslinja legg føringar som inneber at ei eventuell klageordning er lite tenleg i prøveperioden. Det er m.a. frivillig for dei kommunalt tilsette å ta del på tur. Vidare vil ein i samråd med søkjar freiste å finne alternative reisetider om det vert vanskar med gjennomføring av primærønskje.

Rådmann legg til grunn at vedtatt heimel frå kommunestyret gjev at ordninga vert informert ut til målgruppe

og iverksatt snarast. Vidare rår ein til at vedtekter skal vere del av evalueringsrapport for prøveordninga 2021-2022.

Vedlegg i saken:

24.02.2021	Fondsvedtekter - Fond for kommunalt følgje på ferie- og fritidsreiser	1517010
24.02.2021	Alver kommune - Retningslinje for kommunalt følgje på ferie- og fritidsreise	1517011
24.02.2021	Alver kommune - Søknad om kommunalt følgje på ferie- og fritidsreise for personar med nedsett funksjonsevne	1517012
08.03.2021	Innspel til fondsvedtekter_NFU_Alver og Masfjorden lokallag	1524212